



La squadra da La Val se descëda massa tert canche ara é bel sot de n gol, i trëi punc ti resta insciö a la sterscia squadra dl Sest.

Tles ultims trêi partidas á la squadra da La Val incunté trêi avversars posizioná tla pert alta de tlassifica, dütes determinades a conquisté le secundo post por podei ciamó porvé a fa le salt de categoria. De De chëstes é ince le Sest ala pert, che ti á dé da asuié a la formaziun ladina l'ultima sabeda. Sön le tert dl domisdé s'á la squadra metü sön trú por la lungia trasferta a Sest a se mosoré cun la squadra de ciasa posizionada al mumënt a trêi punc toch ia dedô. I jogn dla scaudra da Sest mostra n bel jüch y archita sö i ladins, cun le gol che toma püch dan la fin dl pröm tēmp.

En pröm tēmp da desmuntié por i ghesc, che mëss se sotmēt ala determinaziun dl Sest, püces o prēsc degünes é stades les ocajiuns por La Val. Les ripartēzēs vëgn scialdi architades bel a mezciamp ulach le pilaster dl Sest, le capitan, partēsc fora de bí pai ai cumpagns dant. Le verdaporta Sepl à chilò n gran laur y mëss plö iadi se destrà a desfanté val trata. La Val é impó buna de tigni bót cina püch dan la fin dl pröm tēmp, daulache le Sest á fortüna y segnëia le gol. Te na incomprencsiun dl defensur y le verdaporta anuzëia le atacant le dërt moment, ti töl le pale y le fej coguré te porta por le 1 a 0.

Cun le gol mirité por le Sest fej le arbiter jí i sogadus tla palsa.

La formaziun de Floriani röia te ciamp por la secunda pert cun n atra determinaziun, le Sest se lascia bel plan do fora y i ladins ciafa plö coraje. Cun de beles combinaziuns tl mezciamp avversar se alza la squadra tres deplö y tosc ti garetá a Michele na gran ocajiun da gol. Sön na crossasa röia chësc sù dan le verdaporta, le palé ne rimbalzëia indere nia dërt y ti röia sót le pé, la mesa trata röia insciö dlungia porta ia. Püch do é ciamó Alexander che pro de chirí le gol dla parité: sön n palé arlungé te n gran cajin te area vëgn chësc sorví cun en preparatif a püc metri dan porta, al pro na trata de reaziun che e ruvé te porta. Al mancia ma plö püc menüc ala fin dla partida, cun en modul plö ofensif pro la squadra ciamó de salvé le resultat mo mëss spo zede al sciür dla fin y ti lascé i punc al Sest. En pröm tēmp indurmedí ia che ti à costé trêi punc important y le secundo post de tlassifica.

Sest – La Val: 1-0

Formaziun La Val: 1. Sepl Kantioler, 2. Luca Pescollderung, 3. Marco Castlunger, 4. Paolo Vallazza, 5. Werner Sottara (dal 70^a Egon Frenes), 6. Freddy Sottara (dal 60^a Christian Dapoz), 7. Marco Sottara (dal 75^a Michele Campeï), 8. Stefan Sottara - capitan, 9. Franz Tolpeit (dal 65^a Alexander Miribung), 10. Max Nagler (dal 45^a Adrian Miribung), 11. Alex Elzenbaumer

Proscima partida: *La Val süga süa proscima partida in sabeda ai 23 de auri dales 15:00 a La Val cuntra le San löre Junior*